

# SARS E TLO KOLEKA MOTŠHELO WA SWIKIRI GO TLOGA KA 1 APRELE 2018

**TSHWANE, Labohlano, 15 Disemere 2017** — Ditirelo tša Motšhelo tša Afrika Borwa (SARS) di tlo kolela Lebi ya Dino tša go ba le Swikiri (SBL) go tloga ka 1 Aprele 2018.

Lebi e ka fase ga Ditekanyo le Palo ya Tšhelete le Molaokakanywa wa go Fetošwa wa Melao ya Motšhelo, 2017, bjale ka ge e beilwe ko Palamente ka Disemere 2017.

Karolo ya 7A ya Šetšulu ya Nom.1 go Molao wa Taolo ya metšhelo mellwaneng le Metšhelo ya dithoto, 1964, e fana ka tšweletšo ya lebi ya maphelo go dino tše di nago le swikiri tše di tšweleditšwego goba di tlišitšwego ka Afrika Borwa. Ditšweletšwa tša go tšwa ka nageng ya ka ntle di tlo tšhelelwa ge di lekotšwe go ka dirišwa ka gae gomme ditšweletšwa tše di tšweleditšwego mo nageng di tla tšhelelwa go ya ka mothopo

Dipušetšo tša SBL le ditefelo di ka romelwa ka mokgwa wa elektroniki ka SARS eFiling gape di tla amogelwa go makala a Taolo ya metšhelo mellwaneng le Metšhelo ya dithoto.

Dilaesense le ngwadišo ya batšweletši ba dino tša swikiri di tla dirwa go tloga ka Feberware 2018. Ke fela batšweletši ba kgwebo bao ba tšweletšago dino tša swikiri tša palomoka ya ngwaga ya swikiri ya go feta dikilokramo tše 500 ka ngwaga tše di hlokago go ba le laesense gape di swanetše go lefela SBL. Bao ba sa tšweletšego dino tša swikiri ba lego ka fase ga morumo wo ba tla holofelwa gore ba ngwadiše eupša ba se lefele SBL.

Lebi e beakantšwe go disente tše 2.1 go kramo enngwe le enngwe ya diteng tša swikiri tša go feta dikramo tše 4 go 100ml enngwe le enngwe, se se ra gore dikramo tša mathomo tše 4 go 100ml enngwe le enngwe ga di lefišwe lebi. Lebi ke karolo ya lenaneo la mmušo le go thibela le go laola malwetši a go se fetele (NCDs) le go thuša go thibela le go laola go nona kudu.

SARS e tla ama borakgwebo ba intasteri ka dipapatšo mebileng go ba tlhahla ka tshepetšo. Matšatšikgwedi a dipapatšo a tla phatlalatšwa go websaete ka Janaware 2018. Tshedimošo mabapi le SBL e hwetšagala go wepsaete ya SARS [www.sars.gov.za](http://www.sars.gov.za).